



Publicaziuns dalla vischnaunca, jamna 44

Damonda da baghegiar

2022-1064.000

Datum dalla publicaziun: 4 da november 2022

La patruna: Claustra Mustér, Via Claustra 1, 7180 Disentis/Mustér
Representanza: Claustra Mustér, Via Claustra 1, 7180 Disentis/Mustér
Intenziun: Nova inscripziun vid la fatschada digl edifeci
Edifeci nr. 196E
Parcella: 2883
Adressa: Via Lucmagn 29, 7180 Disentis/Mustér
Zona: Zona agricola (A)
Zona da prighel: Negina

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 4 da november 2022

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2022-1058.000

Paulin Manetsch, Via Alpsu 26, 7180 Disentis/Mustér; niev indrez fotovoltaic el liber, parcella 531, Via Alpsu 26, 7180 Disentis/Mustér.

Nr. 2022-1059.000

Otmar ed Anna Maria Maissen-Flepp, Gassa da Cuoz 15, 7186 Segnas; niev indrez fotovoltaic el liber e nova fotovoltaica sin tetg digl edifeci 317F, parcella 1217, Gassa da Cuoz 15, 7186 Segnas.

Nr. 2022-1061.000

StWEG Parz. 1156 Casa Giulia, c/o Rudolf Büchi, Via S. Clau Sut 17, 7130 Glion; construcziun d'ina nova finiastra el tetg, sanaziun dil tetg cun izolaziun supplementara, parcella 1156, Via Peisel 21, 7186 Segnas. Disentis/Mustér, ils 4 da november 2022

Uffeci da baghegiar Disentis/Mustér



Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou il suandont project:

Nr. 2022-2093.000

Simon Camartin, Via Chischliun 14, 7180 Disentis/Mustér; niev indrez fotovoltaic sin il tetg, parcella 995, Via Chischliun 14, 7180 Disentis/Mustér.

Disentis/Mustér, ils 4 da november 2022

Uffeci da baghegiar Disentis/Mustér

Cussegl da vischnaunca

Rapport dalla seduta dils 28-10-2022

Venderdis, ils 28 d'uost 2022, ha giu liug en halla Cons la 17. seduta dil cussegl da vischnaunca dalla perioda d'uffeci 2021/2024. El center dalla seduta ei stau la debatta davart ina nova lescha pil manteniment dallas ovas da meglieraziun e d'uaul ed in credit per la realisaziun d'in niev passapei naven dil Center Fontauna entochen alla Via Prau resp. alla staziun Acla da Fontauna dalla Viafier Matterhorn-Gottard. Il cussegl da vischnaunca ha en in'emprema lecziun tractau la nova lescha e concediu per la realisaziun dil niev passapei in credit da fr. 130000.–. Il cussegl da vischnaunca ha sut l'egida dil president dil cussegl da vischnaunca **Adrian Deflorin** tractau en in'emprema lecziun la nova lescha pil manteniment dallas ovas da meglieraziun e d'uaul. A vesta dalla meglieraziun funsila che la vischnaunca da Mustér ha instradau igl onn 2012 ed entschiet cun la realisaziun igl onn 2018 entras la construcziun dallas empremas vias, eis ei stau necessari d'elaborar ina nova lescha. Quella nova lescha remplazzass il reglament da traffic digl onn 2011 e reglass da niev il diever dallas vias d'uaul, dallas vias da funs e quellas dallas alps. Da niev fussen las vias sigl intschesch dalla vischnaunca da Mustér partidas en secturs. Las lubientschas per carrar sin las vias corrispondentas vegnessen el futur concedidas a moda semplia e moderna entras in'applicaziun digitala. En cass ch'il cussegl da vischnaunca approbass quella nova lescha en ina secunda lecziun, la quala ha tgunsch liug igl emprem quartal 2023, vegness quella aunc suttamessa al referendum facultativ tenor art. 21 lit. b dalla constituziun communal.

Plinavon ha il cussegl da vischnaunca concediu in credit da fr. 130 000.– per la construcziun d'in niev passapei naven dil Center Fontauna per liung dalla Via Alpsu entochen alla sbuccada dalla Via Prau. Cheutras sa vegnir meglierau essenzialmein la situaziun pils pedunzs tier la fermada dalla Viafier Matterhorn-Gottard ad Acla da Fontauna.

Suprastonza communal

Invitaziun alla sera d'orientaziun publica

Cu: **venderdis, ils 4 da november 2022**, allas 20.15

Nua: Sala Peter Kaiser, Claustra Mustér

Program

20.15–21.00 Presentaziun ed informaziun davart il project da votaziun per l'avertura Val Segnas ed Uaul Run (votaziun communal dils 27 da november 2022)

21.00–21.45 Orientaziun davart ils resultats dalla gruppa da lavur davart «Augmentar l'attractivitat dil vitg da Mustér»

Suenter l'informaziun vegn offeriu in aperitiv.

La suprastonza communal selegra sin stedia participaziun.

Suprastonza communal



Controlla da habitonts

Naschientscha

Alessio Bass, naschius ils 25 d'october 2022, fegl da Riccarda Bass e Roman Bass.

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala.

Ev.-ref. Kirchgemeinde der Cadi

Ordentliche Kirchgemeindeversammlung am Sonntag, 20. November 2022 um 11.10 Uhr im Kirchgemeindezentrum Aua Viva in Disentis.

Liebe Kirchgemeindemitglieder, der Kirchgemeindevorstand lädt alle recht herzlich zu unserer Herbstversammlung ein. Nach dem offiziellen Teil laden wir euch gerne noch zu einem kleinen Umtrunk ein!

Traktanden:

1. Begrüssung
2. Wahl der Stimmenzähler/innen
3. Genehmigung des Protokolls der Kirchgemeindeversammlung vom 16.5.2022
4. Bestätigung des Steueransatzes 2020 (17% + 3,5% = 20,5% wegen Steuerausgleich)
5. Budget 2022
6. Wahlen: Tina Bundi in den Vorstand (Kultur) Yvette Riesen Bestätigung (Bildung) X X Revisor/in
7. Anträge
8. Infos und Varia

Anträge zuhanden der Kirchgemeindeversammlung sind schriftlich **bis spätestens am 6. November 2022** an die Ev.-ref. Kirchgemeinde, z.H. des Präsidenten Hans Möckli, Via Davos Mustér 4, 7180 Disentis/Mustér zu senden.

Der Kirchgemeindevorstand:
Hans Möckli, Jeannette Venzin,
Susanne Strupler und Yvette Riesen



Uniun da dunnas Disentis/Mustér

Tri-tra-trallala, il casparet vegn puspei

Bugen envidein nus tut ils affons en accumpignament dad ina persuna carschida ad in teater da casparet. Il toc senumna «La stria striunescha las stagiuns» e ha liug **mesjamna, ils 9 da november 2022**, allas 14.30 el Center d'agricultura Surselva a Salaplauna. Silsunter dat ei ina pintga surprisa pils affons e stiva da caffè.

Nus selegrein sin Vossa viseta!

Cordialmein envida
l'Uniun da dunnas Disentis/Mustér, ressort affons

Mats ei turnaus da sias vacanzas!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrentza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei!

Cun ils pli cars salids

Mats, la miur ed il team dalla Biblioteca populara Disentis/Mustér e contuorn

Termins:

11 da november, 9 da december 2022
13 da schaner, 10 da fevrer, 10 da mars, 14 d'avrel,
12 da matg 2023

Pendicularas Mustér SA

Las Pendicularas Mustér SA organiseschan ina fiera silla piazza dil Catrina Resort, **ils 27 da december 2022**, dallas 14.00–17.00. Haveis Vus interess da vender Vos products? Lu s'annunziei entochen igl 1. da december 2022 per e-mail tier e.bundi@catrina.swiss Per damondas stat Erna Bundi bugen a disposiziun, 081 920 30 40.

Nus selegrein sin Vossa participaziun.
